



LE GOUVERNEMENT
DU GRAND-DUCHÉ DE LUXEMBOURG
Ministère des Affaires étrangères
et européennes

Le Ministre



Luxembourg, le


29/4/2019

Le Ministre de l'Immigration et de l'Asile

à

Monsieur le Ministre aux Relations avec le Parlement

Je vous prie de bien vouloir trouver en annexe la réponse du Ministre de l'Immigration et de l'Asile à la question parlementaire n° 602 posée par l'honorable Député Monsieur Fernand Kartheiser.


Jean Asselborn

Réponse de Monsieur le Ministre de l'Immigration et de l'Asile à la question parlementaire n°602 de l'honorable Député Monsieur Fernand Kartheiser

1. Wéi vill Leit liewen an de Strukturen fir Migranten, déi schon de Statutt kritt hunn?

Zum 15. Abrëll 2019 hunn 2873 Leit an de Strukturen déi vum OLAI geréiert gi gewunnt. Dovun hunn 1382 de Statut als *Bénéficiaire de protection internationale (BPI)*. Deemno wunnen 48.1% BPI an dëse Strukturen.

2. Hëlleft de Staat deene Leit bei der Sich no enger Wunneng a, wa jo, op wéi eng Manéier?

Am Kader vum *Parcours d'intégration accompagné (PIA)* kréien d'Leit eng ganz Réi Informatiounen iwwert d'Liewen hei zu Lëtzebuerg. Esou sinn an de Phasen 2 a 3 vum PIA Seminairen a Coursen iwwert ganz spezifesche Sujete virgesinn; Informatiounen iwwert den Aarbechtsmaart a de Wunnengsmaart zu Lëtzebuerg gehéiere zu dëse Sujeten.

3. Wéi vill vun deene Leit kréien de Revis, respektiv wéi vill vun deene Leit hunn schon eng Aarbecht fonnt? Hëlleft de Staat deene Leit bei der Sich no enger Aarbecht, a, wa jo, op wéi eng Manéier?

Déi Leit déi zu Lëtzebuerg de Statut vum Refugié kritt hunn, hunn e Recht drop de REVIS unzefroen a, wann se all d'Konditiounen erfëllen, de REVIS och ze kréien. Ewéi d'Gesetz vum 28 Juli 2018 iwwert de REVIS et virgesäit, gëtt all Demandeur vum REVIS vun der ADEM am Kontext vun engem "profiling" gesinn an entweder an eng Aarbechtsmesure vun der ADEM oder an eng sozial Stabilisatiounsmesure vum *Office national d'inclusion sociale (ONIS)* orientéiert. An dësem Fall gëtt de BPI nämmelecht encadréiert wéi all aneren demandeur d'emploi an et gëtt probéiert hien sou séier wéi méiglech op den Aarbechtsmarché ze kréien. Ab dem Moment wou en *Demandeur de protection internationale (DPI)* de Statut vum BPI unerkannt kritt, ass dësen dem reguläre Resident gläichgestallt. Ze notéiere bleift dass all BPI, och wann e kee Revis Empfänger ass, sech dierf bei der ADEM aschreiwen.

4. Bezuelen déi Leit, déi an de Strukture liewen an en Akommes hunn, e Loyer? Wa jo, wéi gëtt dee berechent ?

Déi Leit, déi an de Strukture vum OLAI liewen an de Statut als *Bénéficiaire de protection internationale* hunn, bezuelen eng Participatioun un den Hebergementskäschten. Wéi schonns an der Äntwert op d'Question parlementaire n°175 vum 10.01.2019 duergeluecht, ass d'Berechnung wéi follegt :

„De Montant vun der Indemnitéit déi ee BPI muss bezuelen ass gestaffelt jee no Zesummesetzung vum Menage (mat Kannergeld) a vum Akommes vun der jeeweileger Persoun. Dës Indemnitéit läit am Duerchschnitt tëschent 450 a 650 Euro de Mount.“

5. *Wat geschitt mat deene Leit, déi hire Loyer net bezuelen? Wéi vill Leit sinn dat? Wéi wëll den Här Minister dëse Problem léisen?*

Am Fall wou Leit hir Participatioun net oder nëmmen onreegelméisseg bezuelen, sicht den OLAI eng Léisung déi der sozialer Situatioun vun de Betraffene gerecht gött. Deemno ginn déi betraffe Leit per Bréif kontaktéiert a gebieden hier Scholden zréckzebezuelen. Duerch en *Engagement de remboursement* kréien d'Leit d'Méiglechkeet während enger gewësser Zäit eng manner héich Zomm wéi di ursprénglech Participatioun ze bezuele bis hier Scholden ofbezueelt sinn.

Doriwwer eraus gött a reegelméisseg Ofstänn di normal Prozedur bei onbezuelte Leeschtungen applizéiert. Hei ginn *Rappels de paiement* verschéckt, déi am Fall wou se net respektéiert ginn, zu enger *Mise en demeure*, a gegebenefalls och zu geriichtleche Schrëtter kënne féieren.